

Biblia alang sa Kabataan motanyag

Ang Mag-uuma ug ang Liso



Gisulat ni: Edward Hughes

Gihulagway ni: M. Maillot; Lazarus
Alastair Paterson

Gipahaom ni: E. Frischbutter; Sarah S.

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.

Usa ka adlaw si Jesus nagtudlo
sa daplin sa lanaw. Daghang
mga tawo ang nagtapok
aron maminaw Kaniya.

Ang panon nahimong
daghan na kaayo.
Unsay buhaton ni
Jesus?



Sa pagkakita ni Jesus sa usa ka sakayan sa duol, misakay si Jesus. Karon Niya nakita ang mga tawo ug sila usab makakita ug makadungog Kaniya.




3

Nagsugod si Jesus sa pagsulti ug mga sambingay - mga istorya bahin sa ordinaryo nga mga butang, nga nagtudlo sa mga tawo bahin sa Diyos.




4

"Usa ka mag-uuma nagsabwag ug liso sa iyang uma." Ang istorya ni Jesus sama sa usa ka hulagway nga adunay mga pulong imbes nga mga drowing.



5

Mahulagway sa mga tawo ang mag-uuma nga nagtrabaho - nakita nila kini sa makadaghang higayon.




6

Pipila sa nagkatibulaag nga liso nahimutang sa usa ka dalan. Swoosh! Ang mga langgam daling mikanaog aron mokaon niini.




7

Ang uban nga mga liso mitugpa sa batoon nga mga bahin sa umahan. Ug kini dali nga mitubo ngadto sa mga tanom nga linginon ug gagmay na mga tanom. Sa wala madugay ang kainit sa adlaw maoy nagpakuyos sa mga tanom tungod kay dili sila makagamot sa mabaw nga yuta.




8

Ang ubang mga liso nakagamot taliwala sa mga tunok. Wala kini makapatungha ug mga lugas. Ang mga tunok nagpunsisok libot sa linghod nga mga tanom, nga nagbabag sa gawas na gikinahanglang kahayag sa adlaw ug ulan.



9

Ang uban nga mga liso nahulog sa maayong yuta. Sa paglabay sa panahon, ang mga saha nahimong himsog nga mga tanom nga nagdala og daghang bag-ong lugas. Ang mag-uuma siguradong nalipay pag-ayo.



10

Sa katapusan sa istorya, ang mga tinun-an miduol kang Jesus. "Nganong nagtudlo ka sa mga sambingay?" nangutana sila.



11

Si Jesus miingon nga ang mga sambingay makatabang sa mga tawo nga makasabut mahitungod sa Dios kon sila nahigugma gayud kaniya. Ang mga tawo nga wala mahigugma sa Dios dili makasabut sa



mga sambingay.

12

Gipasabot ni Jesus ang sambingay. Siya miingon nga ang liso mao ang Pulong sa Dios. Ang liso diha sa agianan sa tiil




sama sa usa nga nakadungog apan wala makasabot

sa Pulong sa Dios. Gipalimot sila ni Satanas sa gisulti sa Dios.


13

Ang uban nga mga tawo dali nga nakadawat sa Pulong sa Dios. Sila sama sa liso sa batoon nga yuta. Apan sa diha nga adunay nagbiaybiay kanila o naghimo sa mga butang nga lisud tungod kay sila nahigugma sa Dios, usa ka makapasubo nga butang ang mahitabo.




14

Kining mao nga mga parehas nga mga tawo na malipayong misugod sa pagsunod kang Jesus mitalikod ug mihunong sa pagsunod sa Pulong sa Diyos. Dili nila gusto nga bayran ang bili sa pagsunod sa Dios. Pagkamakapasubo nga gusto nilang pahimut-an ang mga higala imbes ang Diyos!



15

Ang mga tunok sa sambingay sama sa kalibutanong mga kabalaka ug ang gugma sa salapi nga nagpuno sa kinabuhi sa pipila ka mga tawo. Sila puliki kaayo sa pagpaningkamot nga makakuha og dugang nga salapi ug uban pang mga butang nga ilang gibiyaan ang Dios sa ilang mga kinabuhi.



16

Apan ang liso nga nasabwag sa maayong yuta ug naghatag ug maayong ani mao ang sama sa Pulong sa Diyos nga misulod sa mga kasingkasing ug nagpabag-o sa kinabuhi sa mga tawo. Kining mga tawhana nag-alagad ug nagpasidungog sa Diyos.



17

Ang mga tawo dili gustong mobiya. Daghan ang gusto nga mosunod sa Diyos ug makapahimuot Kaniya. Ang mga sambingay ni Jesus nakatabang kanila sa pagsabot kon sa unsang paagi tumanon ang Diyos.



18

Ang Mag-uuma ug ang Liso

Estorya gikan sa Pulong sa Dios, ang Biblia,

makita sa

Mateo 13

"Ang pag-abot sa Imong mga Pulong naghatag og kahayag." Salmo 119:130

19

Ang Kataposan

43



60

20

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab. Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16